



UNIVERSITÄTS-
BIBLIOTHEK
PADERBORN

**COLLATIO-||NVM SACRARVM|| LIBRI VIII.|| Tilmanni
Bredenbachij S. Th. D.||**

Bredenbach, Tilmann

Coloniae Agrippinae, 1592

VD16 B 7378

12. De Theodorico rege Ariano post mortem ad insulam Liparim in ollam
Vulcaniam delato.

[urn:nbn:de:hbz:466:1-65002](https://nbn-resolving.org/urn:nbn:de:hbz:466:1-65002)

cis in eam dignitatem assumptus est, vt maior
 esset in aula regia Quem postea dignitate ead-
 em exutu monasterio Luxouienfi addicunt.
 Porro Ebroinus magnæ impietatis homo cle-
 ricaturam abiiciens, à Luxouio cœnobio e-
 gressus, mox copiis vndecunque sibi aggrega-
 tis, principatum vi sub Theodorico rege obti-
 nens, in multos episcopos, viros deinde illu-
 stres, & diuersæ conditionis homines crudeli-
 ter sæuit, ablati facultatibus complures ex il-
 lis contra datam fidem interficiens. Hic ita-
 que Ebroinus crudelitate nimia seuis ab Her-
 menfrido Franco interfectus est. Erat tunc
 temporis vir oculis cæcatus vnus ex illis, qui-
 bus Ebroinus effoderat lumina, in insula Lu-
 gduensis prouinciæ, quæ Barbara dicitur.
 Qui cum nocturno tempore super ripam Si-
 cannæ fluminis orandi gratia resideret, audi-
 uit nauigantium impetum, & magna vi bra-
 chiorum contra impetum fluminis insurgen-
 tium. Cumque interrogarent, quo nauigium
 illud tenderet, vox in auribus eius percrebuit:
 Ebroinus est, quem ad Vulcaniam ollam de-
 ferimus, ibi enim facti sui pœnas luet. Hoc
 idem vir audiuit ad consolationem sui, vt sci-
 ret quam pœnam persecutores istorum sen-
 tirent.

*D. Gregorius Magnus libr. 4. Dialogor. cap. 30. De
 Theodorico rege Ariano post mortem ad insulam
 Liparim in ollam Vulcaniam delato.*

Iulianus huius Romanæ Ecclesiæ, cui Deo auctore deseruio, secundus defensor, qui ante septem ferme annos defunctus est, adhuc in monasterio positum crebro ueniebat, & mecum colloqui de animæ utilitate confueuerat. Hic itaque mihi quadam die narrauit, dicens: Theodorici regis temporibus, pater socii mei in Sicilia exactionem canonis egerat, atque iam ad Italiam redibat. Cuius nauis appulsa est ad insulam, quæ Liparis appellatur. Et quia illic vir quidam solitarius magnæ virtutis habitabat, dum naua nauis armenta repararent, visum est predicto patri socii mei ad eundem virum Dei pergere, sequæ eius orationibus commendare. Quos vir Domini cum vidisset, eis inter alia colloquens dixit: Scitis quia Rex Theodoricus mortuus est? Cui illi protinus responderunt: Absit, nos eum uiuentem dimisimus, & nihil tale ad nos de eo nunc usque perlatum est. Quibus Dei famulus addidit, dicens: Eriam mortuus est. Nam hesternò die hora nona inter Ioannem Papam & Symmachum Patricium discinctus, atque discalceatus, & uinctis manibus deductus, in hanc vicinam Vulcani ollam iactatus est. Quod illi audientes sollicitè conscripserunt diem, atque in Italiam reuersi, eo die Theodoricum regem inuenerunt fuisse mortuum, quo de eius exitu atque supplicio Dei famulo fuerat

fuerat ostensum. Et qua Iannem Papam affligendo in custodia occidit, Symmachum quoque Patricium ferro trucidauit, ab illis iuste in ignem missus apparuit, quos in hac vita iniuste iudicauit.

De VValtero de Mere, qui vidit Archiepiscopum N. de ferri ad montem Heclam, cuius visionis occasione ipse postmodum religiosissimam duxit vitam.

CAP. XIII.

VValterus de Mere vir nobilis, satelles Caroli V. Imper. cum aliquando nauigaret ad partes Boreales Islandiam versus secundo vento, vidit nauim ex aduerso ferri, itidem secundo vento, atq; in puppi illius quoddam monstrum instar hominis nigerrimi, tanquam nauarcham constitutum. Cumq; nauta huius VValteri pro more acclamaret, quid mercium ueherent, & quorsum tenderent, respondit dæmon alterius nauis detector, Nos uehiamus Archiepiscopum N. nominando ciuitatem, in qua fuerat Archiepiscopus, & tendimus ad montem Heclam. Quo audito VValterus iste totus contremuit, & vitæ suæ rationes subducere incipiens, cum primum Leidam Hollandiæ reuersus est, amplexus est institutum D. Francisci, ibidem sub patre VWilhelmo Delphensi professus, (qui hæc domi meæ in plena mensa multis honestissimis uiris assistentibus exactè narrauit) & postmodum Dordraci sepultus est.